

**AKHBAR : BERITA HARIAN****MUKA SURAT : 7****RUANGAN : ISU**

Pemeriksaan ke atas pesakit juga mendapati mereka mengalami simptom sama dengan kes pencemaran toksik di Sungai Kim Kim pada Mac lalu"

**Dr Dzulkefly Ahmad,  
Menteri Kesihatan**

# Pelajar sesak nafas akibat terhadu toksik

**Kuala Lumpur:** Kejadian pelajar sekolah di Pasir Gudang, Johor mengalami gejala sesak nafas pada Khamis lalu, disahkan akibat pencemaran toksik, bukan keracunan makanan.

Menteri Kesihatan, Datuk Seri Dr Dzulkefly Ahmad, berkata pemeriksaan ke atas semua pelajar berkenaan, termasuk dua kes baharu yang dirujuk ke Hospital Sultan Ismail (HSI) di Johor Bahru kelmarin, mendapati tiada boleh mengaitkan kes itu dengan keracunan makanan.

Selain itu, beliau berkata, semua kes membabitkan dua sekolah berlainan di daerah berkenaan.

"Pemeriksaan ke atas pesakit juga mendapati mereka mengalami simptom sama dengan kes pencemaran toksik di Sungai Kim Kim pada Mac lalu," katanya.

Dr Dzulkefly berkata demikian

pada sidang media sempena Majlis Sambutan Hari Penderma Darah Sedunia peringkat kebangsaan di Pusat Darah Negara (PDN) di sini, semalam.

## Pemantauan di lapangan

Katanya, semua sampel klinikal berkaitan sudah dihantar ke Jabatan Kimia di Petaling Jaya untuk ujian toksikologi dan pada masa sama, Jabatan Kesihatan turut melakukan pemantauan di lapangan.

Khamis lalu, 14 pelajar dan dua dewasa dari Sekolah Agama Taman Mawar (SATM), manakala 13 lagi murid Sekolah Kebangsaan (SK) Pasir Gudang (4), mengalami sesak nafas, loya dan muntah, dipercayai akibat pencemaran udara.

Kejadian itu menyusul hanya kira-kira tiga bulan selepas kawasan sepanjang 1.5 kilometer di Sungai Kim Kim tercemar akibat pembuangan

sisa toksik yang menjelaskan hampir 6,000 penduduk.

Dr Dzulkefly berkata, dua kes baharu membabitkan pelajar lelaki dari SATM, menjadikan jumlah pesakit dari sekolah itu seramai 18 orang.

## Mangsa stabil

"Kedua-dua pelajar kini sedang dirawat di HSI dan berada dalam keadaan stabil. Enam pesakit terdahulu yang dimasukkan ke HSI sudah dibenarkan keluar semalam.

"Dengan pertambahan dua kes baharu itu, jumlah keseluruhan mereka yang mendapatkan rawatan adalah seramai 31 orang, iaitu 21 perempuan dan 10 lelaki," katanya.

Beliau menasihatkan orang ramai agar segera mendapatkan rawatan di klinik kesihatan terdekat sekiranya mengalami gejala sesak nafas, pening, sakit kepala, kekejangan otot dan lemah badan.

AKHBAR : BERITA HARIAN  
MUKA SURAT : 7  
RUANGAN : ISU

**KES KEMATIAN ORANG ASLI  
KUALA KOH**

## Tiada penularan jangkitan demam campak

**Kuala Lumpur:** Tiada penularan jangkitan demam campak membabitkan perkampungan orang Asli lain dilaporkan di Kelantan, Terengganu dan Pahang, setakat kelmarin.

Menteri Kesihatan, Datuk Seri Dr Dzulkefly Ahmad, berkata kes demam campak dilaporkan kekal 47 yang sudah disahkan melalui ujian makmal.

Beliau berkata, hingga kelmarin, 48 kes masih dirawat di hospital akibat demam campak dan sesak nafas membabitkan 46 di wad biasa serta dua di unit rawatan rapi (ICU).

"Sejumrah 12 kes dengan gejala ringan demam campak ditempatkan di Rumah Inap Kesihatan Orang Asli (RIKA) di Gua Musang, manakala 14 kes lagi ditempatkan di Pusat Latihan Khidmat Negara (PLKN) Gua Musang.

**Tiga kes baharu**  
"Namun, tiga kes baharu dengan gejala saluram pernafasan dari Kampung Kuala Koh, Gua Musang, dikesan Jabatan Kesihatan Kelantan. Dua kes terbabit dikesan pada Khamis lalu dan satu lagi semalam (kelmarin).

"Dua daripada tiga pesakit berkenaan ditempatkan di Hospital Kuala Krai dan seorang di Hospital Gua Musang," katanya pada sidang media selepas melancarkan sambutan Hari Penderma Darah Sedunia Peringkat Kebangsaan di Pusat Darah Negara (PDN), di sini, semalam.

Selain itu, Dr Dzulkefly berkata, tiada kes kematian baharu dilaporkan, setakat kelmarin, menjadikannya kekal tiga kematian.

Beliau berkata, ketiga-tiga kes kematian itu disahkan demam campak, manakala keputusan bedah siasat ke atas 12 mayat belum diketahui punca sebenar kematian.

"Pemeriksaan antropologi juga sedang dijalankan ke atas 12 mayat itu bagi menentukan jantina, umur, bangsa, ketinggian dan jangka masa kematian," katanya.

Sementara itu, beliau berkata, satu kes baharu disyaki demam campak dilaporkan dalam komuniti Orang Asli di Kampung Gerdong, Hulu Terengganu, Terengganu, Khamis lalu, menjadikan jumlah 13 kes dengan lapan disahkan demam campak melalui ujian makmal.

"Tiada kes baharu dikesan di Kampung Ulu Sat, Jerantut, Pahang, menjadikan bilangan lapan kes hingga Khamis lalu dengan empat disahkan demam campak melalui ujian makmal," katanya.

AKHBAR : KOSMO  
MUKA SURAT : 6  
RUANGAN : SEMASA

# Saman perokok ingkar 1 Januari 2020

IPOH – Tiada lagi penangguhan tindakan saman ke atas individu yang merokok di premis makanan selepas 1 Januari tahun hadapan.

Timbalan Menteri Kesihatan, Dr. Lee Boon Chye menegaskan, aktiviti penguatkuasaan pendidikan larangan merokok di premis makanan yang dilanjutkan sehingga Disember ini wajar dimanfaatkan perokok.

“Gunakan peluang ini untuk mengurangkan merokok atau berhenti. Kalau tidak dapat, harap ubah sikap supaya tidak merokok di tempat orang ramai.

“Saya ikrar pada 1 Januari 2020 kita akan terus saman jika masih ada yang tidak patuh kepada arahan ini,” katanya.

Beliau berkata demikian selepas merasmikan Karnival Syawal di Sekolah Agama Rakyat At-Tolibiah, Kampung Changkat Larang, Lahad dekat sini semalam.

Boon Chye yang juga Ahli Parlimen Gopeng mengulas mengenai terdapat pihak yang kembali merokok di premis makanan susulan tindakan kerajaan menangguhkan penguat-



BOON CHYE

Mesti merokok di dalam restoran makanan dilarang bermula 1 Januari lalu

## Perokok ingkar arahan kerajaan



KERATAN Kosmo! 20 Jun 2019.

kuasaan saman.

Menteri Kesihatan, Datuk Seri Dr. Dzulkefly Ahmad pada 25 April lalu mengumumkan tempoh aktiviti penguatkuasaan pendidikan di tempat makan yang diwartakan sebagai ka-

wasan larangan merokok dilanjutkan selama enam bulan lagi iaitu sehingga Disember ini.

Tempoh enam bulan sebelum ini ditetapkan berakhir pada bulan hadapan selepas pewartaan tempat makan sebagai kawasan larangan merokok bermula pada 1 Januari lalu.

Mengakui usaha mendidik masyarakat untuk mengurangkan atau berhenti merokok bukan sesuatu yang mudah, Boon Chye berkata golongan berkenaan perlu menghormati hak individu yang tidak merokok. – Bernama

AKHBAR : SNAR HARIAN  
MUKA SURAT : 9  
RUANGAN : NASIONAL

## Kerajaan tingkat penguatkuasaan larangan merokok



Boon Chye (kanan) membantu membelah lemang sebagai simbol perasmian Karnival Syawal @ Sekolah Agama Rakyat At-Toliblah di Ipoh semalam.

IPOH - Kerajaan akan terus meningkatkan penguatkuasaan larangan merokok dengan memperluaskan lagi kawasan larangan merokok menjelang 1 Januari 2020.

Timbalan Menteri Kesihatan, Dr Lee Boon Chye berkata, penguatkuasaan itu akan melibatkan peluasan kawasan merokok sedia ada termasuk kawasan-kawasan makan yang tidak berhawa dingin (terbuka).

Menurutnya, penguatkuasaan tersebut secara keseluruhan bertujuan untuk mendidik golongan perokok sama ada mengurangkan tabiat merokok, berhenti merokok atau sekurang-kurangnya mengubah sikap untuk tidak lagi merokok di khalayak ramai.

"Kita tahu ada yang masih tidak mematuhi peraturan di-

tetapkan tetapi saya harap demi kesihatan sendiri dan kepentingan penjagaan kesihatan orang di sekeliling mereka yang tidak merokok, mereka juga patut menghormati hak golongan yang tidak merokok," katanya.

Boon Chye yang juga Ahli Parlimen Gopeng berkata demikian pada sidang media rasmi program Karnival Syawal @ Sekolah Agama Rakyat At-Tolibiah di Kampung Changkat Larang, Lahat di sini semalam.

Menurutnya, penguatkuasaan ketika ini lebih bertujuan mahu mendidik orang ramai mengurangkan tabiat merokok atau terus berhenti merokok.

Namun, katanya, usaha pendidikan itu memerlukan masa dan bukannya boleh dibuat dalam masa sehari dua.

"Apa pun setakat ini 80 peratus sudah mula mematuhi larangan ini khususnya di premis makanan."

"Kita akan teruskan penguatkuasaan pendidikan sehingga hujung tahun ini dan saya boleh kata mulai 1 Januari 2020, kita akan kuatkuasakan sepenuhnya larangan merokok seperti di tempat makan berhawa dingin, tempat ibadat atau di kawasan pejabat kerajaan, institusi pengajian tinggi, kawasan hentian rehat dan rawat (RnR) di lebuh raya."

"Penguatkuasa akan dibuat dan bagi mereka yang tidak akur akan disaman," katanya.

**AKHBAR : SNAR HARIAN****MUKA SURAT : 9****RUANGAN : NASIONAL**

## 10 pesakit orang asli positif demam campak

KUALA TERENGGANU - Seramai 10 daripada 13 pesakit melibatkan orang asli yang menerima rawatan di Hospital Hulu Terengganu disahkan positif measles (demam campak) manakala dua daripadanya diisyiharkan bebas daripada penyakit berkenaan.

Pengarah Kesihatan Negeri Terengganu, Dr Mohd Jusoh berkata, seorang lagi pesakit sedang menunggu keputusan makmal.

Menurutnya, daripada 13 pesakit itu, sembilan orang telah dibenarkan pulang, manakala empat orang lagi masih diberi rawatan.

"Pesakit yang masih dirawat ini termasuk tiga pesakit yang disahkan positif demam campak dan seorang pesakit yang sedang menunggu keputusan makmal.

"Bagi sembilan pesakit yang dibenarkan pulang pada Khamis lalu, tiga daripada mereka diberi suntikan vaksin measles.

"Dua pesakit pula diberi vitamin A termasuk seorang bayi berusia 10



DR MOHD

bulan dan seorang kanak-kanak berusia setahun kerana didapati mereka mempunyai masalah kekurangan berat badan mengikut usia yang sepautunya," katanya dalam satu kenyataan akhbar semalam.

Pada 12 Jun lalu, seramai lapan pesakit orang asli dari Kuala Koh, Kelantan dimasukkan ke Hospital Hulu Terengganu.

Tujuh daripadanya mengalami simptom jangkitan saluran pernafasan, manakala seorang lagi menerima rawatan sebagai pesakit Acute Gastroenteritis (AGE).

Pada 14 dan 17 Jun, dua lagi pesakit orang asli Sungai Berua, Hulu Terengganu dimasukkan ke hospital sama kerana mengalami simptom sama.

Pada 18 Jun, dua lagi pesakit orang asli dari Kuala Koh dimasukkan ke Hospital Hulu Terengganu manakala Khamis lalu, seorang lagi pesakit lelaki dari Kampung Sungai Berua, Hulu Terengganu dimasukkan ke hospital berkenaan.

AKHBAR : SNAR HARIAN

MUKA SURAT : 10

RUANGAN : NASIONAL

## Kementerian Kesihatan serah agensi berkaitan siasat

**KUALA SELANGOR** - Kementerian Kesihatan menyerahkan kepada agensi berkaitan untuk menyiasat punca sebenar penghasilan gas beracun yang menyebabkan murid di sekitar Pasir Gudang, Johor mengalami sesak nafas sejak Khamis lalu.

Menteri Kesihatan, Datuk Seri Dr Dzulkefly Ahmad berkata, ia berikutan pihaknya hanya membuat pemantauan dan kawalan berkaitan kesihatan.

"Saya tidak tahu dari mana datangnya punca gas beracun itu. Saya sebagai

Menteri Kesihatan hanya melaksanakan pemantauan dari aspek kesihatan.

"Apa pun tunggu daripada mereka untuk buat kebenaran selepas mereka melakukan kajian berhubung perkara tersebut, tetapi saya sahkan simptom yang berlaku kepada murid memang berkaitan gas beracun dan bukannya daripada pemakanan atau keracunan makanan," katanya kepada pemberita selepas menghadiri majlis Aidilfitri dan perasmian Maahad Habibullah Al-Hafiz di Masjid Puncak Alam di sini semalam.